




司馬遷集全

柳田文庫
文庫11
D 104



文庫11
D104

四代七集 漢

司馬長卿集目錄

賦

子虛賦

上林賦

哀二世賦

大人賦

美人賦

長門賦 并序

琴歌二首

司馬長卿集目錄

010190549548

書

諫獵書

遺言封禪事

檄

諭巴蜀父老檄

難

與蜀父老詰難

附白頭吟

司馬長卿集目錄終



司馬長卿集

漢 成都司馬相如著

明 新安 汪士賢校

子虛賦

其辭曰楚使子虛使於齊齊王悉發境內之士備車
騎之衆與使者出田田罷子虛過詫烏有先生而無
是公在焉坐定烏有先生問曰今日田樂乎子虛曰
樂獲多乎曰少然則何樂對曰僕樂齊王之欲夸漢
以車騎之衆而僕對以雲夢之事也曰可得聞乎子

虛曰可王駕車千乘選徒萬騎田於海濱列卒滿澤
罾網彌山掩兔犇鹿射麋格麟驚於鹽浦割鮮染輪
射中獲多矜而自功顧謂僕曰楚亦有平原廣澤游
獵之地饒樂若此者乎楚王之獵孰與寡人僕下車
對曰臣楚國之鄙人也幸得宿衛十有餘年時從出
游游於後園覽於有無然猶未能徧覩也又烏足以
言其外澤者乎齊王曰雖然略以子之所聞見言之
僕對曰唯唯臣聞楚有七澤嘗見其一未覩其餘也
臣之所見蓋特其小小者爾名曰雲夢雲夢者方九

百里其中有山焉其山則盤紆第下隆崇律萃岑峯
參差日月蔽虧交錯糾紛上干青雲罷池陂陀下屬
江河其土則丹青赭堊雌黃白垺錫碧金銀衆色炫
耀照爛龍鱗其土則赤玉玫瑰琳珉昆吾城玦玄厲
礪石武夫其東則有蕙圃蘅蘭芷若穹窮菖蒲茝薤
蘼蕪諸柘巴且其南則有平原廣澤登降阨靡案衍
壇曼緣以大江限以巫山其高燥則生葳析苞荔薜
莎青蘋其埤溼則生葺葦蒹葭東蔭彫胡蓮藕觚盧
奄間軒于衆物居之不可勝圖其西則有涌泉清池

激水推移外發芙蓉蔭華內隱鉅石白沙其中則有神龜蛟鼉瑁鼈龜其北則有陰林巨樹榿栴豫樟桂椒木蘭檠離朱楊楂梨棗栗橘柚芬芳其上則有鵝雛孔鸞騰遠射于其下則有白虎玄豹蝮蛇貙豸於是乎乃使剽諸之倫手格此獸楚王乃駕馴駁之駟乘彫王之輿靡魚須之橈旃曳明月之珠旗建于將之雄戟左烏號之彫弓右夏服之勁箭陽子驂乘娥阿爲御案節未舒即陵狡獸蹙蛩蛩麟距虛軼野馬轉駒駉乘遺風射游騏倏伸倩利雷動焱至星流

電擊弓不虛發中必決眦洞胷達掖絕乎心繫獲若雨獸揜草蔽地於是楚王乃弭節徘徊翱翔容與覽乎陰林觀壯士之暴怒與猛獸之恐懼徼紉受詘殫覩衆物之變態於是鄭女曼姬被阿錫揄紵縞雜織羅垂霧縠裝積塞縹鬱橈谿谷紛紛袞袞揚袖戍削蜚襪垂髻扶輿倚靡翕呷萃蔡下摩蘭蕙上拂羽蓋錯翡翠之歲蕤繆繞玉綬眇眇忽忽若神之髣髴於是乃羣相與狝於蕙圃嬖姍勃窣上金隄揜翡翠射駿驥微矰出娥繳施弋白鵠連駕鵝雙鶴下玄鶴加

怠而後發游於清池浮文鵠揚旌挹張翠帷建羽蓋
網璫瑁鉤紫貝攄金鼓吹鳴籟榜人歌聲流喝水蟲
駭波鴻沸涌泉起奔揚會礪石相擊琅琅磻磻若雷
霆之聲聞乎數百里之外將息獠者擊靈鼓起烽燧
車案行騎就隊纏乎淫淫般乎裔裔於是楚王乃登
陽雲之臺泊乎無爲澹乎自持勺藥之和具而後御
之不若大王終日馳騁曾不下輿將割輪焮自以爲
娛臣竊觀之齊殆不如於是王無以應僕也烏有先
生曰是何言之過也足下不遠千里來况齊國王悉

境內之士備車騎之衆與使者出田乃欲戮力致獲
以娛左右也何名爲夸哉問楚地之有無者願聞大
國之風烈先生之餘論也今足下不稱楚王之德厚
而盛推雲夢以爲驕奢言淫樂而顯侈靡竊爲足下
不取也必若所言固非楚國之美也有而言之是章
君之惡也無而言之是害足下之信也章君惡傷私
義二者無一可而先王行之必且輕於齊而累於楚
矣且齊東階鉅海南有琅琊觀乎成山射乎之罘浮
勃澥游孟諸邪與肅慎爲鄰右以湯谷爲界秋田乎

青丘彷徨乎海外吞若雲霓者八九其於曾中會不
蒞芥若乃倣儻瑰瑋異方殊類珍怪鳥獸萬端鱗倅
充仞其中者不可勝記禹不能名禹不能計然在諸
侯之位不敢言遊戲之樂苑囿之大先生又見客是
以王辭不復何爲無以應哉

上林賦

亡是公听然而笑曰楚則失矣而齊亦未爲得也夫
使諸侯納貢者非爲財幣所以述職也封疆畫界者
非爲守禦所以禁淫也今齊列爲東蕃而外私庸慎

捐國隄限越海而田其於義固未可也且二君之論
不務明君臣之義正諸侯之禮徒事爭於遊戲之樂
苑囿之大欲以侈奢相勝荒淫相越此不可以揚名
發譽而適足以卑君自損也且夫齊楚之事又焉足
道乎君未覩夫巨麗也獨不聞夫子之上林乎左蒼
梧右西極丹水更其南紫淵徑其北終始霸產出入
涇渭鄴鎬潦滹紆餘委蛇經營乎其內蕩蕩乎八川
分流相背異態東西南北馳驚往來出乎椒丘之闕
行乎州淤之浦徑乎桂林之中過乎泱泱之壑汨乎

混流順阿而下越隘陜之口觸穹石激堆埼沸乎暴
怒洶涌彭湃潏弗宓汨偪側泌澌橫流逆折轉騰激
冽滂漉沆漑穹隆雲橈宛渾膠鑿踰波趨泥涖涖下
瀨批巖衝擁奔揚滯沛臨坻注壑澆潏賈隊沈沈隱
隱砰磅訇磕潏潏湑湑潄潄湑湑潄潄潄潄潄潄潄潄
疾悠遠長懷寂寥無聲肆乎未歸然後灑漾潢漾安
翔徐徊嚮乎滴滴東注太湖衍溢陂池於是蛟龍赤
螭鮪鱮漸離觸鯨鯨魴魴禺禺魴魴捷鰭掉尾振鱗奮
翼潛處乎深巖魚鼈謹聲萬物衆夥明月珠子的皪

江靡蜀石黃硬水玉磊砢磷磷爛爛采色濔汗叢積
乎其中鳴鷓鴣鵠鴛鴦屬玉交精旋目煩鶩庸渠箴
疵鳩盧羣浮乎其上浮淫汜濫隨風澹淡與波控蕩
掩薄水渚唼喋菁藻咀嚼菱藕於是乎崇山矗矗龍
從崔巍深林巨木斲巖叅差九峻截薛南山戔戔巖
池甍錡維嵒岨崎振溪通谷蹇產溝瀆咿呀豁間阜
陵別鳴歲硯莫庖丘虛岨嶷隱嶙鬱鬱登降施靡俾
池痺豸允溶淫鬻散渙夷陸亭臯千里靡不被築揜
以綠蕙被以江離糝以薜蘿雜以留夷布結縷攢戾

莎揭車衡蘭橐本射干芘薑蕞荷歲持若蓀鮮支黃
礫蔣苧青蘋布濩閔澤延曼太原離靡廣衍應風披
靡吐芳揚烈郁郁菲菲衆香發越盼嚮布寫晻夢必
第於是乎周覽汎觀縝紛軋芬芒芒怳忽視之無端
察之無涯日出東沼入虜西陂其南則隆冬生長涌
水躍波其獸則庸旄貍犛沈牛麀麋赤首園題窮竒
象犀其北則盛夏含凍裂地涉冰揭河其獸則麒麟
角端駒駝橐駝蛩蛩驥駃騠驢驘於是乎離官別
館彌山跨谷高廊四注重坐曲閣華棖壁璫輦道纒

屢步欄周流長途中宿夷巉築堂累臺增成巖突洞
房頰杳眇而無見仰草撩而捫天奔星更於闐闐宛
虹拖於楯軒青龍蚴蟉於東廂象輿婉嬋於西清靈
圍燕於間館偃佺之倫暴於南榮醴泉涌於清室通
川過於中庭盤石裊崖欽巖倚傾嵯峨嶻嶭刻削崢
嶸玫瑰碧琳珊瑚叢生珉玉旁唐玢幽文磷赤瑕駁
犖雜甫其間晶采琬琰和氏出焉於是乎盧橘夏熟
黃甘橙榛杞杷檮柿亭柰厚朴檉棗楊梅櫻桃蒲陶
隱夫萸棗荅還離支羅乎後宮列乎北園馳丘陵下

平原揚翠葉扒紫莖發紅華垂朱榮煌煌扈扈照曜
鉅野沙棠櫟楮華楓枰櫨留落胥邪仁頻并閭欒檀
木蘭豫章女貞長干仞大連抱夸條直暢實葉後楸
攢立叢倚連卷欂危崔錯歆坑衡閭珂垂條扶疏
落英幡纒紛溶蓊蔘猗柅從風薊莅歛蓋象金石
之聲管籥之音柴池苾虬旋還平後宮雜襲紫輯被
山緣谷循阪下隰視之無端究之無窮於是乎玄爰
素雌雌攫飛蠅蛭蠅襍獫胡毅蛻棲息乎其間長
嘯哀鳴翩幡互經天矯枝格偃蹇杪顛喻絕梁騰殊

榛捷垂條掉希間牢落陸離爛漫遠遷若此者數百
千處娛游往來宮宿館舍庖厨不徙後宮不移百官
備具於是乎背秋涉冬天子校獵乘鏤象六玉蚪拖
蜺旌靡雲旗前皮軒後道游孫叔奉轡衛公參乘扈
從橫行出乎四校之中鼓嚴簿縱獵者江河爲陸泰
山爲櫓車騎雷起殷天動地先後陸離散則追淫
淫裔裔緣陵流澤雲布雨施生貔豹搏豺狼手熊羆
足壘羊蒙鷓蘇綺白虎被斑文跨壘馬陵三峻之危
下磧歷之坻徑峻赴險越壑厲水椎蜚廉弄解廌格

蝦蛤鋌猛氏縉要裹射封豕箭不苟害解脰陷腦弓
不虛發應聲而倒於是乎乘輿弭節徘徊翱翔往來
睨部曲之進退覽將帥之變態然後侵淫促節儵奠
遠去流離輕禽楚履狡獸轉白鹿捷狡兔軼赤電遺
光耀追怪物出宇宙彎蕃弱滿白羽射游梟櫟蜚遽
擇肉而後發先中而命處弦矢分藝殪什然後揚節
而上浮陵驚風歷駭焱乘虛亡與神俱蘭玄鶴亂昆
鷄道孔鸞促鷄鷄拂翳鳥捎鳳皇捷鷓鷃揜焦明道
盡塗殫迴車而還消擔乎襄羊降集乎北絃率乎直

指拚乎反鄉蹙石關歷封巒過鳩鵲望露寒下棠梨
息宜春西馳宣曲濯鷓牛首登龍臺掩細柳觀士大
夫之勤畧均獵者之所得獲徒車之所闢輶騎之所
蹂若人之所蹈藉與其窮極倦欲驚憚讐伏不被創
刃怖而死者宅宅藉藉填坑滿谷掩平彌澤於是乎
游戲懈怠置酒乎顛天之臺張樂乎膠葛之寓撞千
石之鍾立萬石之虞建翠華之旗樹靈龜之鼓奏陶
唐氏之舞聽葛天氏之歌千人倡萬人和山陵爲之
震動川谷爲之蕩波巴俞宋蔡淮南千遞文成顛歌

族居遞奏金鼓迭起鏗鎗闐鞀洞心駭耳荆吳鄭衛
之聲韶濩武象之樂陰淫案衍之音鄢郢繽紛激楚
結風俳優侏儒狄鞮之倡所以娛耳目樂心意者麗
靡爛漫於前靡曼美色於後若夫青琴處妃之徒絕
殊離俗妖冶閑都靚莊刻飾便嬛綽約柔撓嫚嫚
媚纖弱曳獨繭之褸褻眇閭易以恤削便姍嫵媚與
世殊服芬芳漚鬱酷烈淑郁皓齒粲爛宜笑的皪長
眉連娟微睇絲藐色授魂予心愉於側於是酒中樂
酣天子芒然而思似若有亡曰嗟乎此大侈奢朕以

覽其餘間無事棄日順天道以殺伐時休息以於此
恐後世靡麗遂往而不返非所以爲繼嗣創業垂統
也於是乎乃解酒罷獵而命有司曰地可墾辟悉爲
農郊以贍氓隸墮墮墮填塹使山澤之民得至焉實陂
池而勿禁虛宮館而勿仞發倉廩以救貧民補不足
恤鰥寡存孤獨出德號省刑罰改制度易服色革正
朔與天下爲始於是歷吉日以齋戒襲朝服乘法駕
建華旗鳴玉鸞游于六藝之圃馳騫乎仁義之塗覽
觀春秋之林射狸首兼騶虞弋玄鶴舞于戚戴雲罕

揜羣雅悲伐檀樂樂胥修容乎禮園翱翔乎書園述
易道放怪獸登明堂坐清廟恣羣臣奏得失四海之
內靡不受獲於斯之時天下大悅鄉風而聽隨流而
化勃然興道而遷義刑錯而不用德隆于三皇功美
於五帝若此故獵乃可喜也若夫終日馳騁勞神苦
形罷車馬之用抗士卒之精費府庫之財而無德厚
之恩務在獨樂不顧衆庶忘國家之政貪雉兔之獲
則仁者不繇也從此觀之齊楚之事豈不哀哉地方
不過千里而固居九百是草木不得墾辟而民無所

食也夫以諸侯之細而樂萬乘之所侈僕恐百姓被
其尤也於是二子愀然改容超若自失逡巡避席曰
鄙人固陋不知忌諱乃今日見教謹受命矣

哀二世賦

登陂陁之長阪兮全入曾宮之嵯峨臨曲江之隄州
兮望南山之參差巖巖深山之涇涇兮通谷筍乎銜
訝泊滅鞞以求逝兮註平臯之廣衍觀衆樹之蓊蔭
兮覽竹林之榛榛東馳土山兮北揭石瀨弭節容與
兮歷弔二世持身不謹兮亡國失執信讒不寤兮宗

廟滅絕嗚呼操行之不得基蕪穢而不脩兮魂亡歸而不食

大人賦

世有大人兮在乎中州宅彌萬里兮曾不足以少留
悲世俗之迫隘兮竭輕舉而遠遊乘絳幡之素蜺兮
載雲氣而上游建格澤之脩竿兮總光耀之采旄垂
旬始以爲慘兮曳彗星而爲髻掉指橋以偃蹇兮又
猗捥以招搖搯攬槍以爲星兮靡屈虹綢紅杳眇以
玄潛兮焱風通而雲浮駕應龍象輿之躡略委麗兮

驂赤螭青蛇之蚴蟉死蜺低卬天螭裾以驕驚分詘
折隆窮躩以連卷沛艾赴蟻仡以佻儼兮放散畔岸
驤以屏顏踳躑輻容以骀麗兮蝟蟉偃蹇怵奠以
梁倚糾蓼叫聶踏以臆路兮葭蒙踊躍騰又狂趨莅
颯歔歔至電過兮煥然霧除霍然雲消邪絕少陽
而登太陰兮與真人乎相求互折芻蕘以右轉兮橫
厲飛泉以正東悉徵靈圉而選之兮部署衆神於搖
光使五帝先導兮反大壺而從陵陽左玄冥而右黔
雷兮前長離而後裔皇廝征伯儵而役羨門兮詔岐

伯使尚方祝融警而蹕御兮清氣氛而后行屯余車
而萬乘兮絳雲蓋而樹華旗使句芒其將行兮吾欲
往乎南娛歷唐堯於崇山兮過虞舜於九疑紛湛湛
其差錯兮雜選膠輅以方馳騷擾衝蕤其紛挐兮滂
滂泱軋麗以林離攢羅列聚叢以龍茸兮衍曼流爛
疼以陸離徑入雷室之砰磷鬱律兮洞出鬼谷之堀
壘威魁徧覽八紘而觀四海兮竭度九江越五河經
營炎火而浮弱水兮杭絕浮渚涉流沙奄息葱極汜
濫水娛兮使靈媧鼓琴而舞馮夷時若曖曖將混濁

兮召屏翳誅風伯刑雨師西望崑崙之軋沕荒忽兮
直徑馳乎三危排閭闔而入帝宮兮載玉女而與之
歸登閭風而遥集兮亢鳥騰而壹止低徊陰山翔以
紆曲兮吾乃今日覩西王母曡然白首戴勝而穴處
兮亦幸有三足鳥爲之使必長生若此而不死兮雖
濟萬世不足以喜回車竭來兮絕道不周會食幽都
呼吸流瀼兮餐朝霞咀噍芝英兮喫瓊華傑稜尋而
高縱兮紛鴻溶而上厲貫列缺之倒景兮涉豐隆之
滂淠騁遊道而脩降兮驚遺霧而遠逝迫區中之隘

陝兮舒節出乎北垠遺屯騎於玄關兮軼先驅于寒
門下崢嶸而無地兮上嶮廓而無天視眩泯而亡見
兮聽敞怳而亡聞乘虛亡而上遐兮超無友而獨存

美人賦

司馬相如美麗閑都遊於梁王梁王悅之鄒陽譖之
於王曰相如美則美矣然服色容冶妖麗不忠將欲
媚辭取悅遊王後宮王不察之乎王問相如曰子好
色乎相如曰臣不好色也王曰子不好色何若孔墨
乎相如曰古之避色孔墨之徒聞齊饋女而遐逝望

朝歌而迴車譬於防火水中避溺山隅此乃未見其
可欲何以明不好色乎若臣者少長西土鰥處獨居
室宇遼廓莫與爲娛臣之東鄰有一女子雲髮豐艷
蛾眉皓齒顏盛色茂景曜光起恒翹翹而西顧欲留
臣而共止登垣而望臣三年於茲矣臣棄而不許竊
慕大王之高義命駕東來途出鄭衛道由桑中朝發
溱洧暮宿上宮上官閭館寂寞雲虛門閣晝掩曖若
神居臣排其戶而造其堂芳香芬烈黼帳高張有女
獨處婉然在牀奇葩逸麗淑質艷光覩臣遷延微笑

而言曰上客何國之公子所從來無乃遠乎遂設旨
酒進鳴琴臣遂撫絃爲幽蘭白雪之曲女乃歌曰獨
處室兮廓無依思佳人兮情傷悲有美人兮來何遲
日旣暮兮華色衰敢託身兮長自私玉釵挂臣冠羅
袖拂臣衣時日西夕玄陰晦冥流風慘冽素雪飄零
閑房寂謐不聞人聲於是寢具旣設服玩珍竒金鑪
薰香黼帳低垂裊褥重陳角枕橫施女乃弛其上服
表其襲衣皓體呈露弱骨豐肌時來親臣柔滑如脂
臣乃脉定於內心正於懷信誓旦旦秉志不回翻然

高舉與彼長辭

長門賦 并序

孝武皇帝陳皇后時得幸頗妬別在長門宮愁悶悲
思聞蜀郡成都司馬相如天下工爲文奉黃金百斤
爲相如文君取酒因于解悲愁之辭而相如爲文以
悟主上陳皇后復得親幸其辭曰

夫何一佳人兮步道遙以自虞魂踰佚而不反兮形
枯槁而獨居言我朝往而暮來兮飲食樂而忘人心
嫌移而不省故兮交得意而相親伊予志之慢愚兮

懷真慤之懽心願賜問而自進兮得尚君之玉音奉
虛言而望誠兮期城南之離宮脩薄具而自設兮君
曾不肯乎幸臨廓獨潛而專精兮天颺颺而疾風登
蘭臺而遙望兮神怳怳而外滛浮雲鬱而四塞兮天
窈窈而晝陰雷殷殷而嚮起兮聲象君之車音飄風
迴而赴閨兮舉帷幄之檐檐桂樹交而相紛兮芳酷
烈之閭閭孔雀集而相存兮玄猿嘯而長吟翡翠脅
翼而來萃兮鸞鳳翔而北南心憑噫而不舒兮邪氣
壯而攻中下蘭臺而周覽兮步從容於深宮正殿塊

以造天兮鬱並起而穹崇間徙倚於東廂兮觀夫靡
靡而無窮擠玉戶以撼金鋪兮聲嘈呶而似鍾音刻
木蘭以爲棖兮飾文杏以爲梁羅丰茸之遊樹兮離
樓梧而相撐施瑰木之構榼兮委參差以椽梁時彷彿
以物類兮象積石之將將五色炫以相曜兮煥爛
燁而成光緻錯石之旣斲兮象璫瑁之文章張羅綺
之幔帷兮垂楚組之連綱撫枉楣以從容兮覽曲臺
之央央白鶴噉以哀號兮孤雌踣於枯楊日黃昏而
望絕兮悵獨託於空堂懸明月以自照兮徂清夜於

洞房援雅琴以變調兮奏愁思之不可長案流徵以
却轉兮聲幻妙而復揚貫歷覽其中操兮意慷慨而
自邛左右悲而垂淚兮涕流離而從橫舒息悒而增
歎兮蹤履起而彷徨揄長袂以自翳兮數昔日之誓
殃無面目之可顯兮遂頽思而就牀搏芬若以爲枕
兮席荃蘭而蒞香忽寢寐而夢想兮魄若君之在旁
惕寤覺而無見兮魂廷廷若有亡衆鷄鳴而愁予兮
起視月之精光觀衆星之行列兮畢昴出於東方望
中庭之藹藹兮若季秋之降霜夜曼曼其若歲兮懷

鬱鬱其不可再更澹偃蹇而待曙兮荒亭亭而復明
妾人竊自悲兮究年歲而不敢忘

琴歌二首

鳳兮鳳兮歸故鄉遨遊四海求其凰時未遇兮無所
將何悟今夕兮升斯堂有艷淑女在閨房室邇人遐
毒我腸何緣交頸爲鴛鴦胡頡頏兮共翱翔

又

鳳兮鳳兮從我棲得託孳尾求爲妃交情通體心和
諧中夜相從知者誰雙翼俱起翻高飛無感我思使

余悲

書

諫獵書

臣聞物有同類而殊能者故力稱烏獲捷言慶忌勇
 期賁育臣之愚竊以為人誠有之獸亦宜然今陛下
 好陵阻險射猛獸卒然遇軼材之獸駭不存之地犯
 屬車之清塵輿不及還轅人不暇施巧雖有烏獲逢
 蒙之伎力不得用枯木朽株盡為害矣是胡越起於
 鞞下而羗夷接軫也豈不殆哉雖萬全無患然本非

害
作難

陟
作步

天子之所宜近也且夫清道而後行中路而後馳猶
 時有銜檠之變而况陟乎蓬蒿馳乎丘墳前有利獸
 之樂而內無存變之意其為禍也不亦難矣夫輕萬
 乘之重不以為安而樂出於萬有一危之塗以為娛
 臣竊為陛下不取也蓋明者遠見於未萌而智者避
 危於無形禍固多藏於隱微而發於人之所忽者也
 故鄙諺曰家累千金者坐不垂堂此言雖小可以喻
 大臣願陛下之留意幸察

遺書言封禪事

司馬長卿集

伊上古之初肇自顓穹生民歷選列辟以迄於秦率
邇者踵武述聽者風聲紛綸歲耨埋滅而不稱者不
可勝數也續昭夏崇號謚畧可道者七十有二君罔
若淑而不昌疇逆失而能存軒轅之前遐哉邈乎其
詳不可得聞也五三六經載籍之傳維可觀也書曰
元首明哉股肱良哉因斯以談君莫盛於唐堯臣莫
賢於后稷后稷創業於唐公劉發迹於西戎文王改
制爰周到隆大行越成而後陵夷衰微千載無聲豈
不善始善終哉然無異端慎所由於前謹遺教於後

耳故軌迹夷易易遵也湛恩濛涌易豐也憲度著明
易則也垂統理順易繼也是以業隆於襁褓而崇冠
於二后揆厥所元終都攸卒未有殊尤絕迹可考於
今者也然猶躡梁父登泰山建顯號施尊名大漢之
德燧涌原泉沕滴漫衍旁魄四塞雲搏霧散上暢九
垓下沂八埏懷生之類沾濡浸潤協氣橫流武節飄
逝邇陝游原迥濶沫沫首惡湮沒闇昧昭晰昆蟲閭
澤回首回內然後囿騶虞之珍群徼麋鹿之怪獸導
一莖六穗於庖犧雙觥共抵之獸獲周餘珍放龜於

岐招翠黃乘龍於沼鬼神接靈囿實於閒館奇物譎
詭倣黨窮變欽哉符瑞臻茲猶以爲薄不敢道封禪
蓋周躍魚墮杭林之以燎微夫斯之爲符也以登介
丘不亦慙乎進讓之道何其爽與於是大司馬進曰
陛下仁育群生義征不憚諸夏樂貢百蠻執贄德侔
往初功無與二休烈浹洽符瑞衆變期應紹至不特
創見意者泰山梁父設壇場望幸蓋號以况祭上帝
垂恩儲祉將以薦成陛下謙讓而弗發也挈三神之
驩缺王道之儀群臣慙焉或謂且天爲質闡珍符固

不可辭若然辭之是泰山靡記而梁父靡幾也亦各
並時而榮咸濟世而屈說者尚何稱於後而云七十
二君乎夫脩德以錫符奉符以行事不爲進越故聖
王弗替而脩理地祇謁款天神勒功中嶽以彰至尊
舒盛德發號榮受厚福以浸黎民也皇皇哉斯事天
下之壯觀王者之不業不可貶也願陛下全之而後
因雜薦紳先生之略術使獲曜日月之末光絕炎以
展采錯事猶兼正列其義校飭厥文作春秋一藝將
襲舊六爲七攄之無窮俾萬世得激清流揚微波蜚

英聲騰茂實前聖之所以永保鴻名而常爲首者
用此宜命掌故悉奏其義而覽焉於是天子沛然改
容曰愉乎朕其試哉乃遷思回慮總公卿之議詢封
禪之事詩大澤之博廣符瑞之富乃作頌曰自我天
覆雲之油油甘露時雨厥壤可游滋液滲漉何生不
育嘉穀六穗我稽曷非唯雨之又潤澤之非唯濡之
汜專濩之萬物熙熙懷而慕思名山顯位望君之來
君乎君乎疾不邁哉般般之獸樂我君囿白質黑章
其儀可嘉收收睦睦君子之能蓋聞其聲今觀其來

厥塗靡蹤天瑞之徵茲亦以舜虞氏以興濯濯之麟
游彼靈時孟冬十月君徂郊祀馳我君輿帝以享社
三代之前蓋未嘗有宛宛黃龍興德而升采色炫耀
熿炳輝煌正陽顯見覺寤黎蒸於傳載之云受命所
乘厥之有章不必諄諄依類記寓諭以封巒披藝觀
之天人之際已交上下相發允荅聖王之德兢兢翼
翼也故曰興必慮衰安必思危是以湯武至尊嚴不
失肅祗舜在假典顧省厥遺此之謂也

檄

論巴蜀父老檄

檄曰告巴蜀太守蠻夷自擅不討之日久矣時侵犯邊境勞士大夫陛下即位存撫天下集安中國然後興師出兵北征匈奴單于怖駭交臂受事屈膝請和康居西域重譯納貢稽首來享移師東指閩越相誅右弔番禺太子入朝南夷之君西襲之長常效貢職不敢惰怠延頸舉踵喁喁然皆鄉風慕義欲爲臣妾道里遼遠山川阻深不能自致夫不順者已誅而爲善者未賞故遣中郎將往賓之發巴蜀之士各五百

人以奉幣衛使者不然靡有兵革之事戰鬪之患今聞其乃發軍興制驚懼子弟憂患長老郡又擅爲轉粟運輸皆非陛下之意也當行者或亡逃自賊殺亦非人臣之節也夫邊郡之士聞烽舉燧燔皆攝弓而馳荷兵而走流汗相屬惟恐居後觸白刃冒流矢議不反顧計不旋踵人懷怒心如報私讐彼豈樂死惡生非編列之民而與巴蜀異主哉計深慮遠急國家之難而樂盡人臣之道也故有剖符之封析圭而爵位爲通侯居列東第終則遺顯號於後世傳土地於

言長集
子孫行事甚忠敬居位甚安佚名聲施於無窮功烈
著而不滅是以賢人君子肝腦塗中原膏液潤野草
而不辭也今奉幣役至南夷即自賊殺或亡逃抵誅
身死無名謚爲至愚耻及父母爲天下笑人之度量
相越豈不遠哉然此非獨行者之罪也父兄之教不
先子弟之率不謹也寡廉鮮耻而俗不長厚也其被
刑戮不亦宜乎陛下患使者有司之若彼悼不肖愚
民之如此故遣信使曉諭百姓以發卒之事因數之
以不忠死亡之罪讓三老孝弟以不教誨之過方今

田時重煩百姓已親見近縣恐遠所谿谷山澤之民
不徧聞檄到亟下縣道使咸知陛下之意唯毋忽也
難

與蜀父老詰難

漢興七十有八載德茂存乎六世威武紛紜湛恩汪
濊群生澍濡洋溢乎方外於是乃命使西征隨流而
攘風之所被罔不披靡因朝冉從駝定祚存邛畧斯
掄舉苞蒲結軌還轅東鄉將報至于蜀都耆老大夫
縉紳先生之徒二十有七人儼然造焉辭畢進曰蓋

言長明集
三
聞天子之於夷狄也其義羈縻勿絕而已今罷三郡之士通夜郎之塗三年於茲而功不竟士卒勞倦萬民不贍今又接之以西夷百姓力屈恐不能卒業此亦使者之累也竊爲左右患之且夫邛笮西僰之與中國並也歷年茲多不可記已仁者不以德來强者不以力并意者殆不可乎今割齊民以附夷狄弊所恃以事無用鄙人固陋不識所謂使者曰烏謂此乎必若所云則是蜀不變服而巴不化俗也僕尚惡聞若說然斯事體大固非觀者之所覲也余之行惡其

詳不可得聞已請爲大夫粗陳其略蓋世必有非常之事然後有非常之功非常者固常人之所異也故曰非常之原黎民懼焉及臻厥成天下晏如也昔者洪水沸出汜濫衍溢民人升降移徙崎嶇而不安夏后氏感之乃堙洪塞源決江疏河灑沈澹火東歸之於海而天下未寧當斯之勤豈惟民哉心煩於慮而身親其勞躬腠胝無版膚不生毛故休烈顯乎無窮聲稱浹乎于茲且夫賢君之踐位也豈特委瑣嚙齧拘文牽俗循誦習傳當世取說云爾哉必將崇論閎

議創業垂統爲萬世規故馳騫乎兼容并包而勤思
乎參天地且詩不云乎普天之下莫非王土率土
之濱莫非王臣是以六合之內八方之外浸淫衍溢
懷生之物有不浸潤於澤者賢君耻之今封疆之內
冠帶之倫咸獲嘉祉靡有關遺矣而夷狄殊俗之國
遼絕異黨之域舟車不通人迹罕至政教未加流風
猶微內之則犯義侵禮於邊境外之則邪行橫作放
殺其上君臣易位尊卑失序父兄不辜幼孤爲奴虜
係縲號泣內鄉而怨曰蓋聞中國有至仁爲德洋恩

普物靡不得其所今獨曷爲遺已舉踵思慕若枯旱
之望雨戾夫爲之垂涕況乎上聖又烏能已故北出
師以討強胡南馳使以誚勁越四面風德二方之君
鱗集仰流犴得受號者以億計故乃關沫若微胖柯
鏤靈山梁孫原創道德之塗垂仁義之統將博恩廣
施遠撫長駕使䟽迤不閉習爽闇昧得耀乎光明以
偃甲兵於此而息討伐於彼遐邇一體中外禔福不
亦康乎夫拯民於沈溺奉至尊之休德反衰世之陵
夷繼周氏之絕業天子之急務也百姓雖勞文烏可

以已哉且夫王者固未有不始於憂勤而終於佚樂
者也然則受命之符合在於此方將增太山之封加
梁父之事鳴和鸞揚樂頌上咸五下登三觀者未覩
指聽者未聞音猶焦朋已翔乎寥廓而羅者猶視乎
藪澤悲夫於是諸大夫茫然喪其所懷來失厥所以
進喟然並稱曰允哉漢德此鄙人之所願聞也百姓
雖勞請以身先之敞罔靡徙遷延而辭退

古辭

白頭吟

卓文君附

皚如山上雪皎若雲間月聞君有兩意故來相決絕
今日斗酒會明日溝水頭蹀躞御溝上溝水東西流
淒淒復淒淒嫁娶不須啼願得一心人白頭不相離
竹竿何嫋嫋魚尾何篸篸男兒重意氣何用錢刀爲

右一曲
本辭

又

皚如山上雪皎如雲間月聞君有兩意故來相決絕
一解平生共城中何嘗斗酒會今日斗酒會明日溝水
頭蹀躞御一作溝上溝水東西流二解郭東亦有樵郭

西亦有樵兩樵相推與無親為誰驕解三淒淒重淒淒
 嫁娶亦不啼願得一心人白頭不相離解四竹竿何嫋
 嫋魚尾何離筵男兒欲相知何用錢刀為齒如如字
有五馬噉箕川上高士嬉今日相對樂延年萬歲期
字
五解 右一
曲晉樂所奏

司馬長卿集終

